

編號 1 號

【蛻變】徐佳好原作

記得係仔讀小學個時節，放學轉到屋下興碟碟仔¹摺匣分享，上自然課，先生紹介蝶仔，佢試著當生趣，問佢：「阿姆，做得畜弄毛蟲無？」佢斯聽過有人畜細魚仔、蠶仔、雞油姑，敢有人畜弄毛蟲？

該時，佢在學校做志工，摺圖書室個細阿姊仔打嘴鼓，佢講：「斯愛種一頭柚仔樹抑係柑仔樹，就會有蝶仔飛來生卵。你再過準備一隻罐仔，裡肚放一支細樹極，怎樣就做得咧。」佢一聽著，心肝肚當疑狐：自家又無戴在莊下，種一頭柚仔樹就會錫蝶仔來，哪有可能？毋過，「狗呷烏蠅，賭造化」²罔試看仔。

講來盡奇怪！有一日，正經有一隻蝶仔，在佢兜種個柚仔樹脣飛來飛去、飛上飛下。佢心肝肚恸：「佢在該做麼个呢？」佢目金金緊看，佢一頭緊撲翼，一頭對屎脰尾厝出細細粒、黃淦淦个卵在葉仔面頂。佢細心細意，摘下這皮葉仔帶轉屋下放落罐仔裡背。

幾日過後，幼蟲對卵肚鑽出來，一出世，黏時摺卵殼食忒。

¹ 興碟碟仔：音 him` dia` dia` er；興沖沖的。

² 狗呷烏蠅，賭造化：音 gieu` gab` vu` rih, du` co+ fa`；狗突然張口去咬飛過的蒼蠅，能否咬到就看運氣。

弄毛蟲當揀食³，斯食合意个葉仔，像一個肚屎當枵个細孬仔，葉仔分佢食到淨—淨—淨——，斯伸著葉脈，係仔都赴毋掣摘葉仔分佢食！佢兜緊食撫身緊大箍，白烏色个衫褲忒狹咧，斯脫下舊衫換過青衫。

成時，蠻皮个係仔係「頭那插禾串」捺佢，佢會黏時臥起圓圓大大个頭那，摺伸出紅紅个角，放出像榴槤樣臭胖胖个味道，想愛嚇走欺負佢个人；毋過，若係正經堵著鳥仔、虎頭蜂，佢兜斯插都毋插。有一擺，佢識看著自家畜个弄毛蟲，毋知分對哪來个蜂仔食忒，衰過个弄毛蟲，瀉都毋掣！一無注意，嘎發生恁悽慘个事情，實在得人驚！

弄毛蟲逐日都盡命枯食葉仔，食到撫身肥固⁴毋知飽。有一暗晡，看佢辽辽轉⁵，葉仔毋食，斯在罐仔肚裡來趟去，毋知在該無閒麼个。佢厝一埕青青个落把，係仔問：「佢係發病仔抑係厝痢肚？」突然間，佢趟在該樹極頂，吓絲摺自家吊等又過跔等，罔在蠶包裡肚，像人⁶睡忒咧！

經過一禮拜零，蠶包變色，像變奇術樣，蝶仔對蠶包裡鑽出來咧！毋過，溼溼、皺皺个翼還古燥，佢定定仔、柔柔仔，當有耐心个等待，正經係老古人言講：「甘蔗食了一目正一目」，毋好「打卵就愛見黃」。看著這靚膩膩个花仙子，當像係摺佢兜講等人生盡多个道理。

³ 揀食：音 gan` shid`；挑剔食物。

⁴ 肥固固：音 pui gu` gu`；胖胖的。

⁵ 辽辽轉：音 din` din` zhon`；轉個不停，此處形容躁動不安。

⁶ 像人：音 ciong` ngin；好像。